

**JAZONI IJRO ETISH MUASSASALARIDA JAZO MUDDATINI O'TAYOTGAN  
MAHKUMLARNING SAYLOVLARDA ISHTIROKI.**

**Egamberdiyev Zafar To'lqin o`g`li**

*5-sod Tergov hibxonasi Tshkiliy bo`lim Yuridek ta`minlash guruhi katta yuriskonsulti,  
leytenant*

Saylov — ovoz berish orqali davlat organlari, mahalliy o`zini-o`zi boshqarish organlari va boshqa tuzilmalarni tashkil etish vositasi. Fuqarolarning o`z saylov huquqini amalga oshirishi — ularning davlatni boshqarishda ishtirok etishining eng muhim shakllaridan biri. Saylov o`tkazish tartibi va qoidalari, odatda, har bir davlatning konstitutsiyasi va boshqa konstitutsiyaviyhuquqiy hujjatlarda belgilanadi. Xususan Konstitutsiyamizning O`zbekiston Respublikasining fuqarolari davlat hokimiyati vakillik organlariga saylash va saylanish huquqiga egadirlar. Har bir saylovchi bir ovozga ega. Ovoz berish huquqi, o`z xohish-irodasini bildirish tengligi va erkinligi qonun bilan kafolatlanadi.

O`zbekiston Respublikasi Prezidenti saylovi, O`zbekiston Respublikasi Oliy Majlisining Qonunchilik palatasiga hamda Qoraqalpog`iston Respublikasi Jo`qorg`i Kengesiga, viloyatlar, tumanlar, shaharlar davlat hokimiyati vakillik organlariga saylov tegishinchalarning konstitutsiyaviy vakolat muddati tugaydigan yilda — oktyabr oyi uchinchi o`n kunligining birinchi yakshanbasida o`tkaziladi, bundan ushbu Konstitutsiyada nazarda tutilgan muddatidan ilgari saylov o`tkazish hollari mustasno. Saylovlar umumiy, teng va to`g`ridan-to`g`ri saylov huquqi asosida yashirin ovoz berish yo`li bilan o`tkaziladi. O`zbekiston Respublikasining o`n sakkiz yoshga to`lgan fuqarolari saylash huquqiga ega.

O`zbekiston Respublikasi Oliy Majlisining Senati a`zolari Qoraqalpog`iston Respublikasi Jo`qorg`i Kengesi, viloyatlar, tumanlar va shaharlar davlat hokimiyati vakillik organlari deputatlarining tegishli qo`shma majlislarida mazkur deputatlar saylanganidan so`ng bir oy ichida ular orasidan yashirin ovoz berish yo`li bilan saylanadilar.

Sud tomonidan muomalaga layoqatsiz deb topilgan fuqarolar, shuningdek sud hukmi bilan ozodlikdan mahrum etish joylarida saqlanayotgan shaxslar saylanishi mumkin emas.

Sud tomonidan muomalaga layoqatsiz deb topilgan fuqarolar, shuningdek og`ir va o`ta og`ir jinoyatlar sodir etganlik uchun sudning hukmiga ko`ra ozodlikdan mahrum etish joylarida saqlanayotgan shaxslar saylovda ishtirok etish huquqidan faqat qonunga muvofiq hamda sudning qarori asosida mahrum etilishi mumkin. Boshqa har qanday hollarda fuqarolarning saylov huquqlarini to`g`ridan-to`g`ri yoki bilvosita cheklashga yo`l qo`yilmaydi.

O`zbekiston Respublikasi fuqarosi bir vaqtning o`zida ikkidan ortiq davlat hokimiyati vakillik organining deputati bo`lishi mumkin emas.

Saylov o`tkazish tartibi qonun bilan belgilanadi. Saylov bo`yicha tartib qoidalari O`zbekiston Respublikasi Saylov kodeksida ham belgilangan. kodeksining 5-moddasida sud tomonidan muomalaga layoqatsiz deb topilgan fuqarolar, shuningdek og`ir va o`ta og`ir jinoyatlar sodir etganligi uchun sudning hukmi bilan ozodlikdan mahrum etish joylarida

saqlanayotgan shaxslar saylovda ishtirok etmasligi belgilangan. Saylov kuni 18 yoshga to'lgan, qamoqda saqlash joylarida ushlab turilgan hamda qamoqqa olingan shuningdek, ijtimoiy xavfi katta bo'lman va uncha og'ir bo'lman jinoyatlar sodir etganligi uchun sudning hukmi bilan ozodlikdan mahrum etish joylarida saqlanayotgan shaxslar esa ovoz berish huquqiga ega ekanliklari belgilangan. Saylovlar o'tkazilishi bo'yicha

Saylovoldi tashviqoti — saylov kampaniyasi davrida amalga oshiriladigan va saylovchilarni nomzodni yoki siyosiy partiyani yoqlab ovoz berishga undashga qaratilgan faoliyatdir.

Nomzodlar, ularning ishonchli vakillari, siyosiy partiyalar va ularning vakillari saylovoldi tashviqotini (bundan buyon matnda tashviqot deb yuritiladi) qonunda belgilangan shakllarda va usullarda amalga oshirish huquqiga ega.

Tashviqot nomzodlarni va partiya ro'yxatini belgilangan tartibda ro'yxatga olish uchun belgilangan oxirgi kunning ertasidan e'tiboran boshlanadi. Saylov kuni va ovoz berishga bir kun qolganida tashviqotga yo'l qo'yilmaydi.

Tashviqotni saylovchilarga bepul yoki imtiyozli shartlarda tovarlar berish, xizmatlar ko'rsatish (axborot xizmatlaridan tashqari), shuningdek pul mablag'lari to'lash bilan qo'shib olib borish taqiqlanadi.

Noto'g'ri axborotni tarqatish, shaxsga doir ma'lumotlarning maxfiyligini buzish, shuningdek nomzodlarning sha'ni va qadr-qimmatiga putur yetkazadigan ma'lumotlarni tarqatish taqiqlanadi.

Quyidagilarning saylovoldi tashviqotini olib borishi taqiqlanadi:

davlat hokimiyyati va boshqaruvi organlari, mahalliy davlat hokimiyyati organlari rahbarlarining;

O'zbekiston Respublikasi Qurolli Kuchlari harbiy xizmatchilarining, O'zbekiston Respublikasi Davlat xavfsizlik xizmati, boshqa harbiylashtirilgan bo'linmalar, huquqni muhofaza qiluvchi organlar xodimlarining, sudyalarning;

saylov komissiyalari a'zolarining;

diniy tashkilotlar professional xizmatchilarining.

Davlat hokimiyyati va boshqaruvi organlarining, mahalliy ijro etuvchi hokimiyat organlarining mansabdor shaxslariga o'z mansab va xizmat mavqeyidan saylovoldi tashviqoti vaqtida har qanday siyosiy partyaning yoki nomzodning foydasiga yoxud unga qarshi foydalanishi taqiqlanadi.

Ovoz berish saylov kuni soat 8.00 dan 20.00 gacha o'tkaziladi. Ovoz berish vaqtি va joyi to'g'risida uchastka saylov komissiyasi saylovchilarni saylovdan kamida o'n kun oldin xabardor qiladi

O'zbekiston Respublikasi hududida joylashgan saylov uchastkalarida saylov qutilarini soat 20.00 dan oldin ochish va ovozlarni sanab chiqishga yo'l qo'yilmaydi

Ovoz berish binosiga kelgach, saylovchi uchastka saylov komissiyasining a'zosiga o'z shaxsini tasdiqlovchi hujjatni ko'rsatadi hamda saylovchilar ro'yxatiga imzo qo'yadi. Shundan keyin unga saylov byulleteni beriladi. Biron-bir sababga ko'ra saylovchilar ro'yxatiga familyiyasi kirmay qolgan saylovchilarning familyalari saylovchining shaxsi,



fuqaroligi va yashash joyini tasdiqlovchi hujjat asosida saylovchilar ro'yxati ilovasiga kiritiladi.

Saylovchi saylov byulletenini olgach, uni yashirin ovoz berish kabinasida yoki xonasida to'ldiradi. Saylov byulletenini to'ldirish chog'ida ovoz beruvchi shaxsdan boshqa shaxslarning hozir bo'lishi taqilanganadi. Saylov byulletenini mustaqil ravishda to'ldirish imkoniyatiga ega bo'lmagan saylovchi o'z xohishiga ko'ra yashirin ovoz berish kabinasiga yoki xonasiga boshqa shaxsni taklif qilishga haqli, bundan saylov komissiyasi tarkibiga kiradigan shaxslar, kuzatuvchilar va ommaviy axborot vositalari vakillari mustasno.

Saylovchi o'zi yoqlab ovoz berayotgan nomzodning familiyasi, siyosiy partianing nomi ro'parasida, o'ng tomonda joylashgan bo'sh kvadratga "+" yoki " " yoxud "x" belgisini qo'yadi.

Ovoz beruvchi to'ldirilgan saylov byulletenini saylov qutisiga tashlaydi.

Buzib qo'yilgan saylov byulleteni saylovchining iltimosiga ko'ra yangisiga almashtirilishi mumkin. Buzib qo'yilgan saylov byulletenlari hisobga olinishi, bekor qilinishi (yuqori chap burchagini kesish yo'li bilan) lozim va alohida saqlanadi.

Ayrim saylovchilar sog'lig'ining holatiga yoki boshqa sabablarga ko'ra ovoz berish binosiga kela olmagan hollarda, tegishli uchastka saylov komissiyasi ovoz berishni ushbu saylovchilarning iltimosiga binoan ular turgan joyda tashkil etadi.

Tegishli komissiyaning kamida ikki nafar a'zosi ko'chma saylov qutisi bilan saylovchining turgan joyiga yuboriladi, ular saylovchining xohish-irodasi sir saqlanishiga rioya etilgan holda ovoz berish amalga oshirilishini ta'minlaydi. Bunda kuzatuvchilar va ommaviy axborot vositalari vakillari hozir bo'lishi mumkin. Saylov kuni o'z yashash joyida bo'lish imkoniyatiga ega bo'lmagan saylovchi muddatidan oldin ovoz berish huquqiga ega.

Muddatidan oldin ovoz berish saylovga o'n kun qolganida boshlanadi va saylovga uch kun qolganida tugallanadi. Muddatidan oldin ovoz berishni o'tkazish vaqt Markaziy saylov komissiyasi tomonidan belgilanadi va saylovchilarning, kuzatuvchilarning e'tiboriga ommaviy axborot vositalari orqali yetkaziladi.

Muddatidan oldin ovoz berishni amalga oshirish uchun saylovchi saylov kunida bo'la olmasligining sabablari (ta'til, xizmat safari, xorijga chiqish va hokazo) ko'rsatilgan ariza asosida tegishli uchastka saylov komissiyasidan saylov byulletenini oladi. Saylovchi saylov byulletenini olganligi haqida tegishli uchastka saylov komissiyasining kamida ikki nafar a'zosi hozirligida saylovchilar ro'yxatiga imzo qo'yadi.

Saylov byulleteni maxsus jihozlangan yashirin ovoz berish kabinasida yoki xonasida saylovchi tomonidan to'ldiriladi.

Saylovchi qaror qabul qiladi va to'ldirilgan saylov byulletenini yopiq konvertda qoldiradi, konvert tegishli uchastka saylov komissiyasining seyfida saqlanadi. Konvertning yelimlangan joyiga uchastka saylov komissiyasining ikki nafar a'zosining imzolari qo'yilib, ular komissiyaning muhri bilan tasdiqlanadi.

O'zbekiston Respublikasi Prezidenti saylovi, O'zbekiston Respublikasi Oliy Majlisiga saylov yakunlariga ko'ra Markaziy saylov komissiyasining qarori saylovdan keyin o'n

---

kundan kechiktirmay qabul qilinadi, Markaziy saylov komissiyasining rasmiy veb-saytida va boshqa manbalarda e'lon qilinadi (hammaga ma'lum qilinadi).

Mahalliy Kengashga o'tkazilgan saylov yakunlari to'g'risidagi qaror tegishli saylov komissiyasi tomonidan saylovdan keyin o'n kundan kechiktirmay qabul qilinadi va matbuotda e'lon qilinadi, shuningdek ommaviy axborot vositalarida hammaga ma'lum qilinadi

Saylov to'g'risidagi qonunchilikni buzganlikda aybdor shaxslar belgilangan tartibda javobgar bo'ladi.

Saylov kuni va ovoz berish boshlanishidan bir kun oldin jamoatchilik fikri so'rovlari natijalarini, saylov natijalari prognozlarini, o'tkazilayotgan saylov bilan bog'liq boshqa tadqiqotlarni e'lon qilish (hammaga ma'lum qilish), shu jumladan axborot tarmoqlariga, shuningdek Internet jahon axborot tarmog'iga joylashtirish taqiqlanadi.

O'zbekiston Respublikasi Konstitutsiyasida "...O'zbekiston Respublikasi Oliy Majlisining Qonunchilik palatasiga hamda Qoraqalpog'iston Respublikasi Jo'qorg'i Kengesiga, viloyatlar, tumanlar, shaharlar davlat hokimiyati vakillik organlariga saylov tegishincha ularning konstitutsiyaviy vakolat muddati tugaydigan yilda — oktyabr oyi uchinchi o'n kunligining birinchi yakshanbasida o'tkaziladi..." – deb ko`rsatilgan normaga asosan, joriy yilgi Oliy Majlis Qonunchilik palatasi va mahalliy kengashlar deputatlari saylovi 2024-yil 27-oktabrda o'tkazilishi va saylov kompaniyasi 2024-yil 26-iyulidan boshlanishi e'lon qilindi. Ushbu saylovdan, Sudning hukmi asosida ozodlikdan mahrum etilib, jazoni ijro etish muassasalarida jazo muddatini o`tayotgan mahkumlar ham qatnashish huquqiga egalar. Ushbu yuqorida ko`rsatilgan normalar, qonunlarga muvofiq saylash huquqiga ega mahkumlar uchun to`liq amal qiladi. Jazoni ijro etish muassasalarida jazo muddatini o`tayotgan mahkumlar uchun jazoni ijro etish muassasalarida saylov uchastkalari tashkil etiladi.